



Broj: 05-5012-7/15
Sarajevo, 12. 02. 2016. godine

Na osnovu člana 70. Zakona o javnim nabavkama („Službeni glasnik BiH“ broj 39/14, u nastavku: Zakon), preporuke Komisije za provođenje postupka nabavke usluga posredovanja pri nabavci aviokarata za potrebe Agencije za bankarstvo Federacije BiH iz Zapisnika o pregledu i ocjeni ponuda broj: 05-5012-4/15 od 10. 02. 2016. godine i člana 22. Statuta Agencije za bankarstvo Federacije BiH („Službene novine Federacije BiH“ broj 42/04), direktor Agencije za bankarstvo Federacije BiH donosi

O D L U K U

o poništenju postupka javne nabavke u otvorenom postupku

I.

Poništava se postupak javne nabavke usluga posredovanja pri nabavci aviokarata za potrebe Agencije za bankarstvo Federacije BiH, s obzirom da nijedna od primljenih ponuda nije prihvatljiva.

II.

Ponude ponuđača: “V.I.P. Travels” d.o.o. Sarajevo, “Centrotrans Eurolines” d.d. Sarajevo i “BH Passport” d.o.o. Sarajevo, odbijaju se kao neprihvatljive.

III.

U skladu s članom 70 stavom (6) Zakona Agencija za bankarstvo Federacije BiH objavit će ovu odluku na svojoj internetskoj stranici: www.fba.ba, istovremeno s upućivanjem iste ponuđačima koji su učestvovali u ovom postupku.

Obrazloženje

Agencija za bankarstvo Federacije BiH pokrenula je postupak javne nabavke usluga posredovanja pri nabavci aviokarata za potrebe institucije. Obavještenje o nabavci predmetnih usluga objavljeno je na Portalu javnih nabavki dana 24. 12. 2015. godine pod brojem 3010-1-2-43-3-22/15.

Kao kriterij za dodjelu ugovora odabrana je najniža cijena tehnički zadovoljavajuće ponude.

U skladu s Obavještenjem o nabavci i tenderskom dokumentacijom, javno otvaranje ponuda obavljeno je 14. 01. 2016. godine u poslovnim prostorijama Agencije u Sarajevu, Zmaja od Bosne 47b, što je evidentirano u Zapisniku o otvaranju ponuda, u kojem je konstatovano da su ponude po ovom predmetu nabavke podnijeli ponuđači: “V.I.P. Travels” d.o.o. Sarajevo, “Centrotrans Eurolines” d.d. Sarajevo i “BH Passport” d.o.o. Sarajevo.

U skladu s utvrđenom procedurom, shodno članu 65. Zakona, Komisija je izvršila pregled i ocjenu ponuda te na osnovu izvršene analize istih u pogledu ispunjavanja zadanih kvalifikacijskih uslova, ustanovila slijedeće nepravilnosti:

- a) Ponuđač V.I.P. Travels d.o.o. Sarajevo nije ispunio uslove iz TD tako što nije dostavio potvrdu druge ugovorne strane, kao dokaz da je u 2014. godini imao najmanje jedan uspješno izvršen ugovor, čiji je iznos najmanje jednak procijenjenoj vrijednosti nabavke. Ponuđač je dostavio potvrdu o uspješno izvršenom ugovoru u navedenom periodu, čija je vrijednost manja od vrijednosti tražene u poglavlju III. u tački 1. podtački 4.1. TD.

- b) Ponuđač Centrotans Eurolines d.d. Sarajevo nije ispunio uslove iz TD, tako što nije dostavio potvrdu druge ugovorne strane, kao dokaz da je u 2014. godini imao najmanje jedan uspješno izvršen ugovor, čiji je iznos najmanje jednak procijenjenoj vrijednosti nabavke. Ponuđač je dostavio potvrdu o uspješno izvršenom ugovoru u navedenom periodu, čija je vrijednost manja od vrijednosti tražene u poglavlju III. u tački 1. podtački 4.1. TD.
Pored navedenog, ovaj ponuđač nije dostavio kopiju ponude kako je traženo u poglavlju IV. tački 9. TD, u kojoj je navedeno da je ponudu potrebno dostaviti u jednom originalu i jednoj kopiji, s tim da kopija može biti uvezana spiralnim uvezom ili u fasciklu.
- c) Ponuđač BH Passport d.o.o. Sarajevo nije ispunio uslove iz TD u dijelu koji se odnosi na dostavu podataka o ostvarenom prometu u segmentu poslovanja u 2014. godini, u dvostrukom iznosu procijenjene vrijednosti nabavke koja je predmet ugovora, kao ni spisak uredno izvršenih ugovora u 2014. godini, čiji je iznos najmanje jednak procijenjenoj vrijednosti nabavke, kako je traženo u poglavlju III. u tački 1. podtačkama 1.3. i 1.4. TD.

Slijedom navedenog, komisija je predložila da se sve prispjele ponude odbiju, u skladu s članom 68. stavovima (1) i (4) tačkom i) Zakona, te dala preporuku da se predmetni postupak poništi, u skladu s članom 69. stavom (2) tačkom d) Zakona, s obzirom da nijedna od primljenih ponuda nije prihvatljiva, što je evidentirano u Zapisniku o pregledu i ocjeni ponuda, broj i datum iz uvodnog dijela ove odluke. Uvažavajući navedeno, ugovorni organ prihvatio je prijedlog Komisije te donio odluku kao u dispozitivu.

Pouka o pravnom lijeku:

Protiv ove odluke može se izjaviti žalba u roku od 10 (deset) dana od dana prijema ove odluke. Žalba se izjavljuje ugovornom organu u pisanoj formi, direktno, elektronskim putem ili preporučenom poštanskom pošiljkom. Žalba je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- svim učesnicima u postupku
- a.a.